



Broj: 09-04-3-2570
Sarajevo, 12.11.2021. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
n/r Sekretara, Ismir Hadžiavdić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:		16-11-2021	
Org. jed.	Broj	Priloga	Vrijednost
05/2	- 02 -	417	21

O V D J E

PREDMET: Delegatsko pitanje Ramo Isak, delegat u Domu naroda Parlamenta FBiH, odgovor, d o s t a v l j a s e.-

VEZA: Vaš akt broj 05/2-02-417/21 od 08.11.2021.godine.

Shodno Vašem aktu broj i datum veze, kojim je zatraženo dostavljanje odgovora na pitanje delegata Doma naroda Parlamenta FBiH, gđin. Rame Isaka, koje glasi „Zašto detašman Federalne uprave policije u Zenici ne bavi se poslovima koji su njima u nadležnosti nego se stavljaju političkim opcijama na raspolaganje i bave se politikom tj. Uprava tj. slučaju jer se policija upetljala u politiku. To treba da prestane i zahtijevam od v.d. direktora i od ministra da poduzmu sve moguće zakonske aktivnosti i mjere i sve što je potrebno da se to više ne događa. Kako će građani biti sigurni Federacije ako se takve stvari dešavaju u ZE-DO kantonu, a to što je direktor tj. v.d. pardon, direktor detašmana u Zenici nezadovoljan nekim izborima ili neizborima mislim da vi kao ministar trebate poduzeti mjere, ne može on u kvazi portalima i kvazi medijima davati izjave i to izjave koje nisu u skladu sa zakonom i čovjek se poziva na zakone koji ne regulišu određene oblasti. Nemogu vjerovati da je čovjek doktor nauka prava, a da ne zna pravo. To je dokaz da većina ljudi dobiju diplome, a nisu naučili ono što su trebali da nauče i normalno evo i kritikujem ministra jer sve to gleda, ništa ne poduzima, dali ste izjavu vezano za izbor u ZE-DO kantonu, a niste riješili problem u Upravi federalne policije. Od vas zahtijevam da sve uradite što je u skladu sa zakonom, a od predsjednika Komisije za sigurnost zahtijevam da se tačka sigurnosti Federacije nađe na dnevnom redu Komisije. Komisija se tri godine godine nije.....“, obavještavamo Vas o slijedećem:

Obzirom da delegat Doma naroda Parlamenta FBiH, gđin. Ramo Isak u svom obraćanju nije postavio konkretno pitanje, već je isti iznio niz konstatacija, nepotkrijepljenih i općenitih činjenica, bez da navede na kojeg se konkretno policijskog službenika upit odnosi, osim što spominje funkciju „direktor detašmana“ koja zapravo ne postoji, odnosno zakon i drugi propisi ne prepoznaje istu. Također spominje da se policija upetljala u politiku, nejasno je o kojoj se policiji radi jer je „policija“ općenit pojam i u kakvu politiku? Isto tako imenovani delegat se u svom obraćanju između ostalih obraća

v.d. direktoru, želimo napomenuti da trenutno Federalnom upravom policije ne rukovodi v.d. direktor, već zamjenik direktora, podsjećajući da se v.d. direktor imenuje ukoliko su upražnjena radna mjesta direktora i zamjenika direktora organa.

Naime, bez obzira na nejasan upit gđin. Rame Isak, pretpostavljajući o čemu se i o kojem policijskom službeniku zapravo radi, u daljem tekstu dostavljamo odgovor, i to:

U skladu s odredbom člana 2. Zakona o unutrašnjim poslovima Federacije Bosne i Hercegovine u sastavu Ministarstva nalazi se Federalna uprava policije koja kao organ uprave obavlja operativne poslove policije iz nadležnosti Ministarstva.

Naime, u okviru poslova utvrđenih odredbama člana 6. Zakona o federalnim ministarstvima i drugim organima federalne uprave, te člana 31. i 97. Zakona o unutrašnjim poslovima, Federalna uprava policije obavlja, odnosno istražne organizacione jedinice iste, nadležne su za neposredno poduzimanje mjera na sprečavanju i otkrivanju krivičnih djela terorizma, međukantonalnog kriminala, stavljanja u promet opojnih droga, organizovanog kriminala i drugih krivičnih djela iz nadležnosti Federacije, kao i na pronalaženju njihovih učinilaca.

Jedna od takvih istražnih organizacionih jedinica Federalne uprave policije je Terenski ured Sarajevo za područje Kantona Sarajevo, Bosansko-podrinjskog kantona, Srednjobosanskog kantona i Zeničko-dobojskog kantona, u čijem sastavu se nalazi **Detašman Zenica za područje Zeničko-dobojskog kantona** koji je ustrojen na temelju člana 21. „Organiziranje podureda operativnih policijskih jedinica“ Zakona o unutrašnjim poslovima FBiH („Službene novine FBiH“, broj 81/14) i Pravilnika o unutrašnjoj organizaciji Federalnog ministarstva unutrašnjih poslova - Federalnog ministarstva unutrašnjih poslova iz 2015. godine, a u nadležnosti iste su gore navedene istražne radnje na području Zeničko-dobojskog kantona.

Naime, sve istrage koje vodi Federalna uprava policije, odnosno njene istražne organizacione jedinice, među kojima je i Detašman Zenica za područje Zeničko-dobojskog kantona, provode se pod nadzorom nadležnih tužilaštava, tako da se ni jedna istraga ne može provoditi samostalno i bez nadzora pravosudnih institucija, a na temelju Zakona o krivičnom postupku i drugim zakonskim i podzakonskim propisima.

Ukoliko se raspolaze saznanjima ili informacijama o bilo kakvim nezakonitostima uposlenika Federalne uprave policije potrebno je podnijeti prijavu Jedinici za profesionalne standarde Federalne uprave policije ili nadležnom tužilaštvu, jer se iz predmetnog upita ne može zaključiti o kojem krivičnom djelu se radi, a kako bi mogli na osnovu ovog upita poduzeti konkretne aktivnosti na utvrđivanju činjeničnog stanja i eventualnog procesuiranja istih. Jedinica za profesionalne standarde Federalne uprave policije nije imala zaprimljenih prijava niti saznanja u pogledu eventualnih zloupotreba od strane policijskih službenika Detašmana Zenica za područje Zeničko-dobojskog kantona, a vezano za navode koje spominje gđin. Isak u svom obraćanju.

Nadalje, trenutno poslove šefa Detašmana Zenica za područje Zeničko-dobojskog kantona, vrši samostalni inspektor Nermin Šehović koji je iskoristio svoje građansko pravo i prijavio se na javni konkurs za izbor policijskog komesara u Ministarstvu unutrašnjih poslova Zeničko-dobojskog kantona. U svojstvu isključivo građanina i kandidata za izbor policijskog komesara imenovani policijski službenik se spominjao kroz određene članke pojedinih portala na koje ova Uprava policije ne može uticati u pogledu pisanja tekstova, jer ni na koji način nisu pisanjem istih narušili integritet ove Uprave policije.

Ukoliko je policijski službenik Nermin Šehović i istupao u javnost (davao intervju) vezano za predmetni javni konkurs, a za šta nemamo saznanja, obavještavamo vas da isti i nije trebao imati saglasnost rukovodioca organa ukoliko je istupao kao građanin koristeći svoje građansko pravo i kandidat za izbor policijskog komesara, a pri tome ne komentarišući rad organa u kojem je zaposlen u konkretnom slučaju Federalne uprave policije, tako da na taj način nije ni došlo do kršenja propisa ili narušavanja ugleda ove institucije.

S poštovanjem,

**ZAMJENIK DIREKTORA
GENERALNI INSPEKTOR POLICIJE**

Ensad Korman

